

Temeljem članka 16. stavak 4. Zakona o Vladi Zeničko-dobojskog kantona - Pročišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za braniteljska pitanja, Vlada Zeničko-dobojskog kantona, na 87. sjednici, održanoj dana 10.02.2017. godine, d o n o s i

ZAKLJUČAK

I.

Usvaja se Izvješće o odobrenim novčanim sredstvima, odnosno utrošku sredstava sa proračunske pozicije Ministarstva za braniteljska pitanja namjenjenih za potrebe branitelja i članova njihovih obitelji u 2016. godine, Ministarstva za braniteljska pitanja kao obrađivača.

II.

Izvješće iz točke I ovog Zaključka, nalazi se u prilogu i čini sastavni dio Zaključka.

III.

Zaključak stupa na snagu danom donošenja.

Broj: 02-_____/17.
Datum, 10.02.2017. godine
Zenica

PREMIJER

Miralem Galijašević

DOSTAVLJENO:

1x Ministarstvo za braniteljska pitanja,
1x Ministarstvo finansija,
1x a/a.

Bosna i Hercegovina
Federacija Bosne i Hercegovine
Zeničko-dobojski kanton

MINISTARSTVO ZA BRANITELJSKA PITANJA

IZVJEŠĆE

o odobrenim novčanim sredstvima odnosno utrošku sredstava sa proračunske pozicije Ministarstva
za braniteljska pitanja namjenjenih za potrebe branitelja i članova njihovih obitelji u 2016. godini

Zenica, veljača 2017. godine



I. UVODNI DIO

U realizaciji Zakona o izvršenju proračuna ZDK u 2016. godini, na prijedlog Ministarstva za braniteljska pitanja Vlada Kantona je Zaključkom broj: 02-14-5421/16 od 04.03.2016.godine usvojila Program utroška sredstava Proračuna Zeničko-dobojskog Kantona za 2016. godinu planiranih na razdjelu Ministarstva za braniteljska pitanja.

Izmjenama Proračuna Zeničko-dobojskog kantona za 2016.godinu određen je konačni raspored sredstava na razdjelu Ministarstva.

Sljedeća tabela sadrži pregled o odobrenim i utrošenim proračunskim sredstvima u 2016.godini, a na osnovu naznačenog Programa utroška sredstava:

Ek. kod	Sub analitika	Grantovi pojedincima Grantovi neprofitnim organizacijama Kapitalni grantovi drugim nivoima vlasti	Iznos transfera KM	Izvršenje KM	%
614200		Grantovi pojedincima	8.608.750,00	8.453.971,21	98,20%
	OAD 201	Medicinska rehabilitacija	250.000,00	249.900,00	99,96%
	OAD 202	Stipendiranje studenata- branitelja i članova njihovih obitelji	1.648.400,00	1.648.400,00	100,00%
	OAD 203	Podizanje nišana/nadgrobnih spomenika šehida / poginulih branitelja i umrlih	11.500,00	11.414,00	99,25%
	OAD 204	Sredstva za rad branilačkih udruga	438.000,00	440.489,43	100,00%
	OAD 205	Ortopedska i druga pomagala	185.000,00	149.674,07	80,90%
	OAD 206	Sufinanciranje učešća u takmičenjima invalidskog sporta	70.000,00	70.000,00	100,00%
	OAD 207	Sufinanciranje organiziranja takmičenja i sportskih manifestacija	65.000,00	64.937,30	99,90%
	OAD 208	Pomoć u rješavanju stambenog pitanja	1.650.000,00	1.631.219,77	98,86%
	OAD 212	Pomoć u slučaju smrti branitelja i članova njihovih obitelji	450.000,00	526.638,50	100,00%
	OAD 213	Vanredna novčana pomoć	1.000.000,00	945.100,00	94,51%
	OAD 214	Pomoć za liječenje i nabavku lijekova	900.000,00	899.950,00	99,99%
	OAD 216	Jednokratno novčano primanje osobama sa naročitim zaslugama	2.000,00	1.700,00	85,00%
	OAD 219	Sredstva za izgradanju spomen obilježja vezanih za OOR	60.000,00	55.000,00	91,67%
	OAD 220	Pomoć za nabavku udžbenika za redovno obrazovanje	463.850,00	463.850,00	100,00%
	OAD 222	Transfer za poticaj zapošljavanja branitelja i članova njihovih obitelji	1.320.000,00	1.203.850,00	91,20%
	OAD 223	Zdravstvena zaštita neosiguranih lica	95.000,00	91.848,14	96,68%
614300		Grantovi neprofitnim organizacijama	5.000,00	5.095,35	100,00%
	OAX 001	Ocjena tjelesnog oštećenja	5.000,00	5.095,35	100,00%
615100		Kapitalni transferi drugim nivoima vlasti	30.000,00	30.000,00	100,00%
		UKUPNO	8.643.750,00	8.489.066,56	98,21%

II. POJAŠNJENJE UTROŠKA PO POJEDINIM TRANSFERIMA

614200 - GRANTOVI POJEDINCIMA

a) Medicinska rehabilitacija – OAD 201

1. **Visina odobrenih sredstava:** 250.000,00 KM
2. **Svrha transfera:** Medicinska rehabilitacija branitelja i članova njihovih obitelji
3. **Pravni osnov:**
 - Zakon o dopunskim pravima branitelja i članova njihovih obitelji ("Službene novine Zeničko-dobojskog kantona" broj 1/14);
 - Uredba o medicinskoj rehabilitaciji branitelja i članova njihovih obitelji u banjsko-klimatskim lječilištima ("Službene novine Zeničko-dobojskog kantona" broj 4/14);
 - Ugovor Ministarstva sa JZU „Aquaterrm“ Olovo, broj: 13-37-11063-U1/15 od 21.08.2015.god.
 - Ugovor Ministarstva sa JZU „Reumal“ Fojnica, 13-37-11063-U2/15 od 21.08.2015.god;
 - Ugovor Ministarstva sa JZU "Ilidža" Gradačac, 13-37-11063-U3/15 od 21.08.2015.god.

Na medicinsku rehabilitaciju upućeno je ukupno 327 pripadnika branilačke populacije, za što je utrošeno 249.900,00 KM ili 99,96% raspoloživih sredstava.

b) Stipendiranje studenata –branilaca i članova njihovih porodica – OAD 202

- 1) **Visina odobrenih sredstava:** 1.648.400,00 KM
- 2) **Svrha transfera:** Stipendiranje studenata – branitelja i članova njihovih obitelji za studij na visokoškolskim ustanovama.
- 3) **Pravni osnov:**
 - Zakon o dopunskim pravima branitelja i članova njihovih obitelji ("Službene novine Zeničko-dobojskog kantona" broj 1/14);
 - Uredba o stipendiranju redovnog studija branitelja i članova njihovih obitelji ("Službene novine Zeničko-dobojskog kantona" broj 4/14);
 - Konačne liste Ministarstva za braniteljska pitanja o izboru kandidata za dodjelu stipendije u studijskoj 2015/2016. godini po općinama Kantona.

Ugovor o stipendiranju sklopljen je sa 1.555 studenata. Utrošeno je 1.648.400,00 KM odnosno 100% raspoloživih sredstava. Isplaćeno je šest od osam rata stipendija.

c) Podizanje nišana/nadgrobnih spomenika šehida/poginulih branilaca i umrlih –OAD 203

- 1) **Visina odobrenih sredstava:** 11.500,00 KM
- 2) **Svrha transfera:**
 - Izrada i postavljanje jedinstvenog spomen-obilježja šehidima/poginulim braniteljima, pripadnicima OSRBH i drugih spomen-obilježja poginulim i umrlim pripadnicima OS u proteklom domovinskom ratu;
 - Naknada troškova podizanja nišana/nadgrobnog spomenika pripadniku OS RBiH koji je poginuo ili umro kao učesnik u obrani BiH u proteklom domovinskom ratu i koji je sahranjen na području Kantona, odnosno RS, a koji je bio na evidenciji nadležnog vojnog organa u općinama Kantona.

3) Pravni osnov:

- Zakon o dopunskim pravima branitelja i članova njihovih obitelji ("Službene novine Zeničko-dobojskog kantona" broj 1/14);
- Uredba o naknadi troškova podizanja nišana/nadgrobnog spomenika ("Službene novine Zeničko-dobojskog kantona" broj 4/14).

Sa ovog transfera vršen je utrošak sredstava za refundiranje troškova podizanja spomen-obilježja poginulim braniteljima po prispjelim zahtjevima članova obitelji.

Za podizanje 11 nišana /nadgrobnog spomenika šehida/ poginulih branitelja i umrlih, utrošeno je 11.414,00 KM ili 99,25% raspoloživih sredstava.

d) Sredstva za rad branilačkih udruženja – OAD 204

1) **Visina odobrenih sredstava:** 438.000,00 KM

2) **Svrha transfera:** Financiranje rada udruga pripadnika braniteljske populacije organiziranih na kantonalnom nivou i ostalih programskih aktivnosti udruga.

3) Pravni osnov:

- Zakon o dopunskim pravima branitelja i članova njihovih obitelji ("Službene novine Zeničko-dobojskog kantona" broj 1/14);
- Odluka o finansiranju rada kantonalnih udruga branitelja i članova njihovih obitelji ("Službene novine Zeničko-dobojskog kantona" broj 4/14).

Raspodjela sredstava ovog transfera određena je na osnovu brojnosti članova, programa rada i aktivnosti kantonalnih udruga u 2015. godini.

Prema Odlukama Ministarstva broj: 13/03-3-1-14-1234/16 od 27.01.2016. godine i 13/03-3-1-14-1234-1/16 od 07.03.2016.godine vršilo se redovno mjesečno financiranje deset odnosno po drugoj odluci jedanaest udruga.

Za redovno financiranje udruga utrošeno je 247.400,00 KM ili 56% raspoloživih sredstava.

Za ostale programske aktivnosti udruga utrošeno je 185.402,11 KM ili 42% raspoloživih sredstava.

Iz ovog transfera vrši se i plaćanje zakupa prostorija tri udruge, a za navedenu namjenu kroz 2016.godinu utrošeno je 7.687,32KM odnosno 2%.

Sumarno, iz proračuna Kantona za 2016. god. utrošeno 440.489,43 KM, odnosno 100 %.

e) Ortopedska i druga pomagala – OAD 205

1) **Visina odobrenih sredstava:** 185.000,00 KM

2) **Svrha transfera:** Financiranje nabavke ortopedskih pomagala za potrebe branitelja i članova njihovih obitelji.

3) Pravni osnov:

- Zakon o dopunskim pravima branitelja i članova njihovih obitelji ("Službene novine Zeničko-dobojskog kantona" broj 1/14);
- Odluka o proširenom obimu prava iz oblasti zdravstvene zaštite za branitelje i članove njihovih obitelji ("Službene novine Zeničko-dobojskog kantona" broj 4/15).

Sa ovog transfera vršena je nabavka ortopedskih pomagala prema zahtjevima 32 branitelja, te utrošeno 44.618,41 KM odnosno 24,11% raspoloživih sredstava.

Sukladno Zakonu o javnim nabavkama izvršena je i nabavka elektro-motornih kolica, invalidskog skutera, 26 mehaničkih invalidskih kolica i 42 antidekubitalna jastuka, a za potrebe RVI paraplegičare i kvadriplegičare sa područja ZDK, čime je ukupno utrošeno 105.055,66KM odnosno 56,79% raspoloživih sredstava. Sumarno, iz proračuna Kantona za 2016. god. utrošeno 149.674,07 KM, odnosno 80,90 %.

f) Sufinanciranje učešća u takmičenjima invalidskog sporta - OAD 206

1) **Visina odobrenih sredstava:** 70.000,00 KM

2) **Svrha transfera:**

- Financiranje takmičarskih aktivnosti invalidskih klubova;
- Financijska pomoć Savezu za sport i rekreaciju ZDK, Savezu sjedeće odbojke ZDK i asocijacijama košarke u kolicima i sjedeće odbojke FBiH, odnosno Bosne i Hercegovine;
- Financiranje takmičarskih aktivnosti košarkaških invalidskih klubova i reprezentativnih selekcija prilikom učešća na pozivnim turnirima u inozemstvu;
- Financiranje takmičarskih aktivnosti RVI sportista na međunarodnim takmičenjima i takmičenja u pojedinačnim sportovima na državnom, federalnom i kantonalnom nivou.

3) **Pravni osnov:**

- Zakon o dopunskim pravima branitelja i članova njihovih obitelji ("Službene novine Zeničko-dobojskog kantona" broj 1/14);
- Uredba o sufinanciranju sportskih aktivnosti ratnih vojnih invalida ("Službene novine Zeničko-dobojskog kantona" broj 4/14).

Redovno financiranje takmičarskih klubova i saveza vršeno je prema Odlukama Ministarstva broj: 13/03-2-1-14-6406-2/16 od 21.03.2016. godine; 13/03-2-1-14-4937/16 od 21.03.2016. godine, 13/03-2-1-14-6406-1/16 od 21.03.2016. godine; 13/03-2-1-14-6406-5/16 od 07.07.2016.godine, 13/03-2-1-14-4937-3/16 od 07.07.2016.godine i 13/03-2-1-14-6406-4/16 od 07.07.2016.godine.

Za redovno financiranje utrošeno je 56.000,00 KM ili 80,00% od iznosa planiranog proračunom.

Sufinancirano je i drugih 9 projekata u ukupnom iznosu od 14.000,00 KM ili 20,00% iznosa planiranog proračunom.

Ukupan iznos sredstava plasiranih po ovom transferu je 70.000,00 KM ili 100% .

g) Sufinanciranje organiziranja takmičenja i sportskih manifestacija – OAD 207

1) **Visina odobrenih sredstava:** 65.000,00 KM

2) **Svrha transfera:** Troškovi organiziranja takmičenja i manifestacija povodom obilježavanja značajnih datuma u Kantonu vezanih za domovinski rat, kao i značajnih datuma iz NOR-a.

3) **Pravni osnov:**

- Zakon o dopunskim pravima branitelja i članova njihovih obitelji ("Službene novine Zeničko-dobojskog kantona" broj 1/14);
- Uredba o sufinanciranju sportskih aktivnosti ratnih vojnih invalida ("Službene novine Zeničko-dobojskog kantona" broj 4/14);
- Kalendar obilježavanja značajnih datuma iz proteklog odbrambeno - oslobodilačkog rata (akt Ministarstva).

Tijekom 2016. godine iz planiranih sredstava financirano je 30 značajnih manifestacija, a u skladu sa Programom utroška sredstava za 2016. godinu.

Ukupno je utrošeno 64.937,30 KM ili 99,90 % od iznosa planiranog proračunom.

h) Jednokratna novčana sredstva za rješavanje stambenog pitanja pripadnika branilačke populacije – OAD 208

1) **Visina odobrenih sredstava:** 1.650.000,00 KM

2) **Svrha transfera:** Stambeno zbrinjavanje branitelja i članova njihovih obitelji putem:

- izgradnje stambenog objekta s ciljem trajnog stambenog rješavanja;
- kupovine individualnog stambenog objekta ili stana na osnovu ugovora zaključenog u prethodnoj ili tekućoj kalendarskoj godini;

- prilagođavanja stambenog objekta posebnim potrebama ratnih vojnih invalida;
- naknade troškova obavljenih notarskih poslova u cilju prijenosa vlasništva nad stanovima dodjeljenim na korištenje braniteljima i članovima njihovih obitelji.

3) Pravni osnov:

- Zakon o dopunskim pravima branitelja i članova njihovih obitelji ("Službene novine Zeničko-dobojskog kantona" broj 1/14);
- Uredba o rješavanju stambenih pitanja branitelja i članova njihovih obitelji ("Službene novine Zeničko-dobojskog kantona" broj 4/14);
- Odluka o odobravanju prijenosa vlasništva na stanovima dodjeljenim na korištenje braniteljima i članovima njihovih obitelji („Službene novine Zeničko-dobojskog kantona“ broj 11/06 i 5/10).

Sukladno Zakonu o izvršenju proračuna objavljen je javni poziv, te je ukupno potpomognuto stambeno zbrinjavanje 247 pripadnika braniteljske populacije i utrošeno 1.631.219,77 KM ili 98,86% raspoloživih sredstava.

i) Pomoć u slučaju smrti branilaca i članova njihovih porodica – OAD 212

1) **Visina odobrenih sredstava:** 450.000,00 KM

2) **Svrha transfera:** naknada troškova dženaze/sahrane branitelja i članova njihovih obitelji

3) Pravni osnov:

- Zakon o dopunskim pravima branitelja i članova njihovih obitelji ("Službene novine Zeničko-dobojskog kantona" broj 1/14);
- Uredba o naknadi troškova dženaze/sahrane branitelja i članova njihovih obitelji ("Službene novine Zeničko-dobojskog kantona" broj 4/14).

Za ovu namjenu isplaćena su sredstva za 722 osobe, odnosno utrošeno je 526.638,50 KM ili 100% raspoloživih sredstava.

Utrošak sredstava veći do raspoloživog rezultat je zakonske obveze isplate sredstava za ovu namjenu po pravosnažnim rješenjima prvostupanjskog organa – općinskih službi braniteljsko-invalidske zaštite. Na ovom transferu u prethodnoj proračunskoj godini izvršena je isplata za 643 osoba, te je evidentno značajno povećanje zahtjeva po ovom osnovu (cca 12%)

j) Vanredna novčana pomoć – OAD 213

1) **Visina odobrenih sredstava:** 1.000.000,00 KM

2) **Svrha transfera:** Novčana pomoć pripadnicima braniteljske populacije u vanrednim slučajevima

3) Pravni osnov:

- Zakon o dopunskim pravima branitelja i članova njihovih obitelji ("Službene novine Zeničko-dobojskog kantona" broj 1/14);
- Uredba o vanrednoj novčanoj pomoći braniteljima i članovima njihovih obitelji ("Službene novine Zeničko-dobojskog kantona" broj 4/14).

Pomoć u vanrednoj situaciji odobrena je za 3.956 pripadnika braniteljske populacije, za što je utrošeno 945.100,00 KM ili 94,51% raspoloživih sredstava.

k) Pomoć za liječenje i nabavku lijekova – OAD 214

1) **Visina odobrenih sredstava:** 900.000,00 KM

2) **Svrha transfera:** naknade troškova specijalističkih pregleda, nabavke lijekova i sanitetskog materijala za potrebe ratnih vojnih invalida, u cilju liječenja rana i povreda posljedično vezanih za učešće u ratu; liječenje i nabavka lijekova za potrebe branitelja i članova njihovih obitelji.

3) **Pravni osnov:**

- Zakon o dopunskim pravima branitelja i članova njihovih obitelji ("Službene novine Zeničko-dobojskog kantona" broj 1/14);
- Odluka o proširenom obimu prava iz oblasti zdravstvene zaštite za branitelje i članove njihovih obitelji ("Službene novine Zeničko-dobojskog kantona" broj 4/15).

Ukupno je odobreno 2.369 podnešenih zahtjeva, za što je utrošeno 899.950,00KM ili 99,99% raspoloživih sredstava.

l) Jednokratno novčano primanje osobama sa naročitim zaslugama – OAD 216

1) **Visina odobrenih sredstava:** 2.000,00 KM

2) **Svrha transfera:** Jednokratno novčano primanje osobama sa naročitim zaslugama.

3) **Pravni osnov:**

- Zakon o dopunskim pravima branitelja i članova njihovih obitelji ("Službene novine Zeničko-dobojskog kantona" broj 1/14);
- Uredba o novčanoj naknadi dobitnika ratnih priznanja i odlikovanja za vrijeme nezaposlenosti ("Službene novine Zeničko-dobojskog kantona" broj 4/14).

Po ovom osnovu odobrena je pomoć za 4 dobitnika ratnih priznanja, odnosno utrošeno 1.700,00KM ili 85% raspoloživih sredstava.

m) Transfer za izgradnju spomen obilježja – OAD 219

1) **Visina sredstava:** 60.000,00 KM

2) **Svrha transfera:** Sufinanciranje izgradnje spomen-obilježja vezanih za domovinski rat

3) **Pravni osnov:**

- Zakon o dopunskim pravima branitelja i članova njihovih obitelji ("Službene novine Zeničko-dobojskog kantona" broj 1/14);
- Odluka o financiranju Zeničko-dobojskog kantona („Sl. novine ZDK“ broj 16/97).

Sredstvima sa ovog transfera potpomognuta je izgradnja 11 spomen-obilježja na području Kantona. Ukupno je utrošeno 55.000,00 KM odnosno 91,67% raspoloživih sredstava.

n) Pomoć za nabavku udžbenika za redovno obrazovanje - OAD 220

1) **Visina odobrenih sredstava:** 463.850,00 KM

2) **Svrha transfera:** Pomoć pripadnicima braniteljske populacije za nabavku udžbenika za redovno školovanje

3) **Pravni osnov:**

- Zakon o dopunskim pravima branitelja i članova njihovih obitelji ("Službene novine Zeničko-dobojskog kantona" broj 1/14);
- Uredba o prednosti u školovanju branitelja i članova njihovih obitelji ("Službene novine Zeničko-dobojskog kantona" broj 4/14).

Ukupno je sa ovog transfera odobrena pomoć za 3.518 korisnika, odnosno utrošeno 463.850,00 KM ili 100% raspoloživih sredstava.

o) Transfer za poticaj zapošljavanja branilaca i članova njihovih porodica – OAD 222

1) **Visina odobrenih sredstava:** 1.320.000,00 KM

2) **Svrha transfera:** poticaj aktivnih mjera zapošljavanja pripadnika braniteljske populacije.

3) **Pravni osnov:**

- Zakon o pravima branitelja i članova njihovih obitelji ("Službene novine Federacije Bosne i Hercegovine" broj 33/04, 56/05; 70/07 i 9/10);
- Zakon o dopunskim pravima branitelja i članova njihovih obitelji ("Službene novine Zeničko-dobojskog kantona" broj 1/14);
- Program poticaja upošljavanja pripadnika braniteljske populacije Zeničko-dobojskog kantona putem upošljavanja u pravnim osobama Ministarstva za braniteljska pitanja broj:02-34-8149/16 od 07.04.2016.godine;
- Program poticaja samoupošljavanja pripadnika braniteljske populacije Zeničko-dobojskog kantona Ministarstva za braniteljska pitanja broj:02-34-8150/16 od 07.04.2016.godine;

Kroz usvojeni Program upošljavanja sredstva su odobrena za 51 pripadnika braniteljske populacije, za što je utrošeno 312.000,00KM ili 23,64% raspoloživih sredstava.

Kroz usvojeni Program samoupošljavanja sredstva su po:

- varijanti A odobrena za 59 pripadnika braniteljske populacije, za što je utrošeno 177.000,00KM ili 13,41% raspoloživih sredstava.
- varijanti B odobrena za 92 pripadnika braniteljske populacije, za što je utrošeno 644.000,00KM ili 48,79% raspoloživih sredstava.

Kroz financiranje drugih mjera poticaja zapošljavanja pomoć je odobrena za 39 pripadnika braniteljske populacije, za što je utrošeno 64.850,00KM ili 4,91% raspoloživih sredstava.

Sredstva za sufinanciranje stručnih i/ili završnih ispita odobrena su za 4 pripadnika braniteljske populacije, za što je utrošeno 6.000,00KM ili 0,45% raspoloživih sredstava.

Ukupno je sa ovog transfera odobrena pomoć za zapošljavanje 245 pripadnika braniteljske populacije, odnosno utrošeno 1.203.850,00 KM ili 91,20% raspoloživih sredstava.

p) Zdravstvena zaštita neosiguranih lica – OAD 223

1) **Visina odobrenih sredstava:** 95.000,00 KM

2) **Svrha transfera:** zdravstvena zaštita branitelja neosiguranih po drugom osnovu

3) **Pravni osnov:**

- Zakon o dopunskim pravima branitelja i članova njihovih obitelji ("Službene novine Zeničko-dobojskog kantona" broj 1/14);
- Odluka o proširenom obimu prava iz oblasti zdravstvene zaštite za branitelje i članove njihovih obitelji ("Službene novine Zeničko-dobojskog kantona" broj 4/15).

Utrošak sredstava na ovom transferu izvršen je po Zaključku Vlade ZDK broj 02-14-20227/16 od 09.12.2016.godine u iznosu od 91.848,14 KM ili 96,68% raspoloživog iznosa.

614300 - GRANTOVI NEPROFITNIM ORGANIZACIJAMA

a) Ocjena tjelesnog oštećenja – OAX 001

1) **Visina odobrenih sredstava:** 5.000,00 KM

- 2) **Svrha transfera:** Naknade za rad komisija za davanje nalaza i mišljenja o procentu vojnog invaliditeta, oštećenjima organizma i nesposobnosti za rad i privređivanje, u postupku rješavanja o pravima po Zakonu o pravima branitelja i članova njihovih obitelji.
- 3) **Pravni osnov:**
- Zakon o pravima branitelja i članova njihovih obitelji ("Službene novine Federacije Bosne i Hercegovine" broj 33/04, 56/05; 70/07 i 9/10);
 - Zakon o osnivanju Instituta za medicinsko vještačenje zdravstvenog stanja ("Službene novine Federacije Bosne i Hercegovine" broj 70/07);
 - Ugovor Ministarstva za braniteljska pitanja sa Institutom za medicinsko vještačenje zdravstvenog stanja o obavljanju poslova medicinskog vještačenja u postupku za utvrđivanje prava iz oblasti branilačko-invalidske zaštite.

Od predviđenih sredstava, utrošeno je 5.095,35 KM, odnosno 100 % planiranih sredstava.

61510 -KAPITALNI GRANTOVI DRUGIM NIVOIMA VLASTI

1) **Visina sredstava:** 30.000,00 KM

2) **Svrha transfera:**

- pomoć za izgradnju kolektivnih stambenih objekata branitelja i članova njihovih obitelji,
- pomoć za izgradnju infrastrukture naselja branitelja i članova njihovih obitelji;
- pomoć za završetak izgradnje centralnih spomen-obilježja općinama Kantona.

1) **Pravni osnov:**

- Zakon o dopunskim pravima branitelja i članova njihovih obitelji ("Službene novine Zeničko-dobojskog kantona" broj 1/14);
- Uredba o rješavanju stambenog pitanja branitelja i članova njihovih obitelji ("Službene novine Zeničko-dobojskog kantona" broj 4/14).
- Odluke Vlade Federacije BiH o izdvajanju sredstava iz Budžeta FBiH i zaključci Vlade Kantona o odobravanju sredstava, na prijedlog Ministarstva za braniteljska pitanja.

Sredstva su odobrena na osnovu Zaključka Vlade ZDK broj: 02-14-14670/16 od 16.08.2016.godine. Ukupno je utrošeno 30.000,00 KM ili 100,00 % raspoloživih sredstava.

III. ZAKLJUČAK

Tijekom 2016. godine razdjel je teretilo 34 računa po izvršenim narudžbama roba i usluga u ukupnom iznosu od 20.178,81 KM.

Programom utroška sredstava Proračuna Zeničko-dobojskog Kantona za 2016. godinu planiranih na razdjelu Ministarstva za braniteljska pitanja od predviđenih 8.643.750,00KM u izvještajnom periodu utrošeno je 8.489.066,56KM odnosno 98,21%.

Zenica, 01.02.2017. godine



Ministar:

Fahudin Čolaković